

心法華經



百二十一
在二

43083



佛曰塔
 山城州天安寺法金剛院置
 帝新銅昌
 轉
 重脩

總

通

正法華經卷第二

在

西晉三藏竺法護譯

正法華經應時品第三

於是賢者舍利弗聞佛說此欣然踊躍即起
叉手白衆祐曰今聞大聖講斯法要心加歡
喜得未曾有所以者何常從佛聞說法化導
諸菩薩乘見餘開士聽承佛音德至真覺甚
自悼感獨不豫及心用灼惕所示現議所不
紹逮我已永失如來之慧假使往返山林巖
藪曠野樹下閑居獨處若在宴室謹勅自守
一身經行益用愁毒深自惟言法号等入世
尊爲我現若干教而志小乘自我等各非如



來也所講演法大聖等心爲開士歎思奉遵
者爲受第一如來訓典堪至無上正直之道
我等所順而被衣服所建立願不以頻數唯
然世尊鄙當尔時用自剋責晝夜寢念雖從
法生不得自在偏蒙聖恩得離惡趣今乃還
聞時舍利弗以頌讚曰

得聞佛乘一句之義超出本望恠未曾有
所當受獲非心口言覩大尊雄益懷喜歡
假使有人能造行者聞安住音以爲竒雅
諸塵勞垢鄙以蠲盡音聲之信亦悉永除
我本晝日設經行時若在樹下端坐一心
設在林藪山巖之中心自思惟如此行義

嗚呼自責弊惡之意因平等法而得無漏
不由三界順尊法居追悔過事以誠將來
紫磨金容相三十二我已違遠失不自嚴
衆好八十八具足殊特種種積累不以瓔珞
根力脫門八部之音於平等法而自危削
諸佛之法有十八事如是之義我已永失
音聲所聞達於十方吾以得見愍世俗者
一身獨已晝日經行又自剋責而內思惟
我每夙夜深自料計反側婉轉忖度已身
當問世尊如是之義鄙何所失當復所失
現在眼前於聖明日夙夜過去逝不休息
見餘菩薩而不可計世雄導師之所開化

彼等悉聞此佛音教為諸群萌講演法力
其法無想諸漏已盡普悉曉暢致微妙慧
觀若干種諸所祠祀歷外異學諸邪偽術
由是之故解佛音教觀已脫門即脫滅度
一切得解諸所見行尋時開了空無之法
由是自謂已得滅度今乃自知非至泥洹
得覩諸佛天中之天時人中上眾會圍遶
三十二相光色巍巍因斯覺了至度無餘
我適聞說除於眾熱不以音聲而得無為
如我所知正覺師子諸天世人之所奉事
則以力勢恒住如斯第一初聞大聖之教
波旬時化變為佛形無得為魔之所嫉害

如因緣行而引說喻無鞅數億顯現姦限
善立彼岸至道意海得聞彼法除諸狐疑
有百千佛及姦之數悉得覩見衆滅度勝
如斯諸佛所說經典善權方便隨順御之
假使有人現究竟行當來諸佛衆億百千
善權方便導御是黨爲講說法誘進泥洹
隨其體像化以慧行悉而分別次第所有
諸佛之法所當教誨尋即承聖受轉法輪
世雄導師現真雅訓吾亦如是依蒙其像
彼諸魔衆而不敢當心未嘗懷邪疑之礙
普興柔爽深妙之道以佛音聲而得歡欣
今日所有諸志猶豫以棄沉吟住於聖慧

我成如來無衆結網諸天世人以爲眷屬
今日得覩佛之道眼當勸助化於諸菩薩
佛告賢者舍利弗今吾班告天上世間沙門
梵志諸天人民阿須倫佛知舍利弗曾以供
養三十二千億佛而爲諸佛之所教化當成
無上正真之道吾身長夜亦開導汝以菩薩
義亦緣此故興在吾法如來威神之所建立
亦本願行念菩薩教未得滅度自謂滅度舍
利弗汝因本行欲得識念無鞅數佛則當受
斯正法華經一切佛護普爲聲聞分別說之
佛語舍利弗汝於來世無量無數不可計劫
供養億百千佛受正法教奉敬修行此方等

經具足衆行當得佛道号蓮華光如來至真
等正覺明行成爲善逝世間解無上士道法
御天人師其世界名離垢平等快樂威耀巍
巍諸行清淨所立安隱米穀豐賤人民繁熾
男女衆多具足周備瑠璃黃金以爲長繩連
綿路傍一切路邊有七寶樹八重交道行樹
枝葉華實常茂蓮華光正覺亦當承續說三
乘法而佛說法具足一劫所可演經示奇特
願劫名大寶嚴所以名曰大寶嚴者謂彼佛
國諸菩薩衆諸菩薩衆有無鞅數不可思議
無能量量唯有如來乃能知數菩薩大士在
其佛土爲覺意寶行如蓮華無有新學久植

德本淨修梵行而無年限親近如來常應佛
慧具大神通悉存法要勇猛志強諸菩薩衆
具足如是無有缺減是故其劫名大寶嚴蓮
華光佛當壽十二中劫不可計僮子時也其
國人民當壽八劫蓮華光如來過十二劫有
菩薩名堅滿當授其決告諸比丘言此堅滿
大士吾滅度後當得無上正真道号度蓮華
界如來正覺蓮華光佛滅度之後正法像法
住二十中劫其佛世界如前佛土等無差特
度蓮華界如來亦壽二十二中劫尔乃滅度
佛滅度後其佛正法及像法住二十二中劫
尔時世尊以偈頌曰

卿舍利弗於當來世得成爲佛顯如來尊
号蓮華光普平等目教授開化衆庶億千
奉事無數諸佛億載於彼修力多所興立
所在勸化得爲十力便當成就上尊佛道
不可思議無鞅數劫劫當号名大寶莊嚴
世界名曰爲離諸垢其蓮華光國土清淨
以紺瑠璃遍敷爲地紫磨金繩連綿爲飾
若干種樹皆七寶成其樹華實悉以黃金
彼諸菩薩意皆堅強所造言行聖哲聰明
善學佛道億百千姪是等來現最勝法教
佛最後時無有蔭蓋爲僮子時無所慕樂
棄離愛欲即出家去便得成就上尊佛道

斯最勝尊則得自在其命當壽十二中劫
法教當立盡于八劫彼命限量劫數如是
若大聖佛滅度之後當具足滿二十中劫
尔時法住若干之數愍哀天上及世間人
其佛正法滅盡之後像法當住二十中劫
彼大聖明舍利流布男神女鬼供養最勝
其世尊德亦當如是告舍利弗且當自度
仁者國土嚴飾如是兩足之尊自然無倫
尔時四部眾比丘比丘尼清信士清信女天
龍鬼神捷沓和阿須倫迦留羅直陀羅摩休
勒聞佛世尊授舍利弗汝當成無上正真之
道心懷欣豫歡喜踊躍不能自勝各自脫身

衣以覆佛上時天帝釋梵忍跡天及餘無數
億千天子各各取衣供養世尊以天華香意
華大意華散于佛上諸天衣物悉在虛空羅
列而住天上伎樂自然而鳴天上大聲自然
雷震普雨天華咸共舉聲而皆歎曰今所聞
法自昔未有前波羅奈鹿菴之中始轉法輪
蓋不足言今佛世尊則復講說無上法輪時
諸天子以頌讚曰

於世無雙比

今者轉法輪

爲男女講議

陰衰所從起

彼第一暢說

十二展轉事

今導師所演

少能信樂者

從世雄大聖

面聞無數法

住始至于茲

未聆如斯典

大導師所說

我今代勸助

勇猛舍利弗

而乃得授決

為歎本發意

所供養佛數

我當蒙及還

得佛世最上

已所造淨行

頻數若干種

奉過去諸佛

願獲佛道義

於是舍利弗白世尊曰我今無結狐疑已除

現在佛前得授予決為無上正真道又曰大

聖斯千二百得自在者昔來豈不任學地乎

當來如是此佛教耶斯諸比丘頓止行門遵

尚法律度老病死咨嗟淚洎是諸比丘無鞅

數千供養世尊學諸所學畏吾我懼三世毀

諸見眾邪行立滅度已懷此想得至道場初

未曾聞如是像法心每猶豫善哉世尊願說

要義使此比丘疑網悉除今四部衆意咸悵
恨當令坦然無餘結恨佛告舍利弗向者吾
不說斯法耶以若干種善權方便隨其因緣
而示現之如來至真等正覺所分別演皆爲
無上正真道故我所咨嗟皆當知之爲菩薩
也又舍利弗今吾引喻重解斯義有明慧者

當了此譬喻如郡國縣邑有大長者其年朽
邁坐起皆難富樂無極財寶無量有大屋宅
周帀寬博垣墻高廣其舍久故數百千人而
在其內唯有一門及監守者堂屋傾危梁柱
腐敗軒窻旣多多積薪草時失大火從一面
起普燒屋宅長者有子若二十欲出諸子

諸子放逸嬉戲飲食卒見火起各各馳走周
悵詰屈不知所出父而念曰今遭火變屋皆
然熾以何方便勉救吾子時父知子各所好
喜即爲陳設象馬車乘遊觀之具開示門閣
使出于外鼓作倡伎絕妙之樂戲笑相娛令
濟火厄當賜衆乘象車馬車羊車伎車吾以
嚴辦停在門外速疾走出出避火災自恣所
欲從意所樂諸子聞父誨勅所賜象馬車乘
音樂之屬各共精進廣設方計土盆水澆奔
走得長者見子安隱而出四面露坐心各
踊躍不復恐懼各各自言願父賜我諸所見
許若干種伎相娛樂具象馬車乘又舍利弗

彼大長者等賜諸子七寶大車珠交露幔車
甚高廣諸珍嚴莊所未曾有清淨香華瓔珞
校飾敷以繒蓐氎氎統綖衣被鮮白鑠如電
光冠幘履屣世所希有若干童子各各擎持
一種一色皆悉同等用賜諸子所以者何今
此幼童皆是吾子寵敬等愛意無偏黨以故
賜與平等大乘又舍利弗吾亦是爲衆生
父停儲庫藏滿無空缺如斯色像教化誘進
惠示大乘諸子則尋獲斯大乘以爲竒珍得
未曾有而乘遊行於意云何長者賜子珍寶
大乘將無虛妄乎舍利弗白佛不也安住不
也世尊其人至誠所以者何彼大長者救濟

諸子而不欲令遇斯火害隨其所樂許而賜之適出之後各與大乘以故長者不爲虛妄究竟諸子志操所趣故以方便令免患禍況復貯蓄無量寶藏以一色類平等大乘賜子不虛佛言善哉舍利弗誠如所云如來至真等正覺超越十方無點衆眞解脫憂恐拔斷根芽枝葉華實如來慧現法王神力爲世之父善權方便攝持思義行平等大悲道心無盡愍哀三界大火熾然黎庶不解故現世間救濟衆生生老病死諸不可意結縛之惱裂壞所著脫婬怒癡誘導三乘漸漸勸示無上正真平等之道適與于世覩諸群萌妄想財

業愛惜無厭因從情欲致無數苦於今現在
貪求汲汲後離救護便墮地獄餓鬼畜生燒
炙脯煮飢渴負重痛不可言正使生天及在
人間與不可會恩愛別離憂惱難量一時離
苦歌儻戲笑不知恐畏無所忌難不自覺了
不肯思惟計其本末不求救護復見燒燃三
界衆生勤苦之患吾當施立無極大安無數
百千不可思議諸佛正慧其有蕩逸迷惑欲
樂如來誘立道慧神足善權方便化現佛慧
使聞佛力力無所畏衆生難悟不肯尋受因
緣所縛未脫生老病死憂患未始得度三界
燒炙不了所歸何謂解佛慧者譬如長者立

強勇猛多力諸士救彼諸子使離火患方便
誘之適出在外然後乃賜微妙竒特衆寶車
乘如是舍利弗如來正覺以力無畏建立衆
德善權方便修勇猛慧覩見三界熾然之宅
欲以救濟衆生諸難故現聲聞緣覺菩薩之
道以是三乘開化駟馳使棄愛欲教諸萌類
滅三界火婬怒癡縛色聲香味細滑之法三
處五欲五欲燒人不猗三界便得三乘勤精
進三乘則超三界進三乘者諸佛所訓也黎
庶則至無鞅數集世尊現戲行爲娛樂修此
根力覺意禪定脫門三昧正受然於後世致
大法樂安隱欣豫無所罣礙又舍利弗其有

衆生未興起者如來出世有信樂者樂佛法
教精進奉行最後竟時欲取滅度謂聲聞乘
遵求羅漢乎出三界譬如長者勉濟子難許
以羊車若復有人無有師法自從意出求至
寂然欲獨滅度覺諸因緣於如來法而行精
進謂緣覺乘出之火宅許以馬車假使有人
求諸通慧諸佛道慧自在聖慧自從心出無
師主慧多所哀念多所安隱諸天人民欲利
天上世間人民滅度黎庶於如來法奉修精
進欲求大聖普見之慧力無所畏謂如來道
菩薩大士所履乘也譬如長者勸誘其子免
火患難許以象車駝出火宅父見子安濟難

無懼自察家中財寶無量等賜諸子高大殊
妙七寶大乘如來正覺亦復如是覩無數衆
億百千孩使度三難勤苦怖懼從其所願開
生死門逐令脫出難嶮恐患使滅度安又舍
利弗如來亦時從終始宅以無數慧力無所
畏觀衆罪厄矜哀喻子普勸進使歸於佛乘
不令各各從意而滅度也如來悉誘以佛滅
度而滅度之假使衆生得度三界以如來慧
脫門定意賢聖度門安慰歡娛施樂法義惠
以一貌佛之大道如彼長者本許諸子以三
品乘適見勉難各賜一類平等大乘誠諦不
虛各得踊躍無有愠恨如來如是本現三乘

然後皆化使入大乘不爲虛妄所以者何當
知如來等覺有無鞅數倉庫帑藏以得自在
爲諸黎庶現大法化諸通愍慧當作是知當
解此義如來等正覺善權方便以慧行音唯
說一乘謂佛乘也世尊頌曰

譬如長者而有大宅極甚朽故腐敗傾危
有大殿舍而欲頓壞梁柱椽棟皆復摧折
多有軒闥及諸窓牖又有倉庫以泥塗木
高峻垣牆壁障崩隕薄所覆苫弥久彫落
時有諸人五百之衆皆共止頓於彼舍宅
有無鞅數草木積聚所當用者滿穡無量
一切門戶時皆閉塞有諸樓閣及衆蓮華

億千衆香而有芬氣若干種鳥眷屬圍繞
種種虺蚺蝠螫西竄在在處處有諸惡虫
有若干種狢狸鼯鼠其字各異嗚呼啾啞
其地處處而有匿蔽溷廁屎溺汗穢流溢
虫鳥刺棘充滿其中師子狐狼各各嗥吠
悉共咀嚼死人屍骸何人聞見而不怖懼
無數狗犬蹲伏窠窟各各圍繞皆共齧掣
假使此等飢餓之時普皆諍食疲瘦羸劣
鬪相齧齧音聲暢逸其舍恐懼變狀如是
有諸鬼神志懷毒害蠅蚤壁虱亦甚衆多
百足種種及諸魍魎四面周帀產生孚乳
各取分食羯羴羶羊不得奔走歸其處所

雖諸鬼神來擁護之不能濟脫令不被害
彼諸鬼神亦食衆生雖得飽滿心續懷惡
群品不同種姓別異若有死者皆埋冢塋
彼志出外而遊所處鳩桓香音志存暴弊
舒展兩臂往來經行無有呪術可以辟除
於時諸犬取其兩足撲令仰卧而就繫之
捉其兩脚絞加頸項坐自放恣心意蕩逸
諸黑象衆厥狀高大體力強盛拔扈自在
旬日飢餓行求飲食遙見芻藁奔走趣之
有鍼嘍虫及鐵喙鳥在丘壙間見人死屍
惡鬼凶嶮放綏叫呼諸魅湊滿貪欲慢翰
窻牖顯明視瞻四顧於斯闕看不可得常

諸邪妖魅及衆餓鬼
鷓鴣鷄梟悉行求食
其宅恐難如是品類
有大園觀牆壁墮落
室宅門戶圯裂破圻
唯一男子而守護之
其人在裏止頓居時
尔時失火尋燒屋宇
周迴四面而皆燔燒
無數千人驚怖啼哭
於今火盛焚我子息
又彼尊者舉聲稱怨
堂柱摧滅垣屏碎散
諸神餓鬼揚聲喜喚
鷓鴣數百飛欲避火
無數鳩桓桓穰懷懾
百千媛魅悻遑馳走
親自目見火所焚燒
無量群萌烏熅灰燼
諸薄祐者為火所災
各各懊惱而見焚燒
炙燎焦爛沸血流離
於時彼宅強猛之衆
一一鬼魅悉共噉食

臭烟燧敦稱讚香美一切奔鶩周旋詰屈
蜈蚣蚰蜒蚘蛄並出馱魅勇逸多所齟齬
頭上火然遊行嬉怡悉飢食噉火所燒者
其屋宅中怖惶若茲百千人衆燒喪狼藉
於時宅主大勢長者見之如斯急急乎務
聞此災禍愍念諸子建立伎樂寶乘誘出
有諸愚癡不能解知於彼戲笑放逸自恣
長者聽察尋入館內駭夫不覺無解脫想
今我諸子闇蔽閉塞一切盲聵無有耳目
以戲樂故而自繫縛種姓孫息甚難得值
凡品衆庶若干等倫遭大火災各各痛惱
鬼神虺虺心中懷毒無數妖魅歡喜踴躍

諸狼狐狗亦不可計飢渴欲求飲食之具
我子衆多皆没于此設無火災亦不可樂
狐疑衆結酷苦若是何況周帀普見熾然
執愚意者於斯自恣諸子貪戲而相娛樂
永不思惟父所言教心不自念速置方計
尔時長者意自忖度吾生此子勤苦養育
得無爲火而見燒炳於何救子而脫孫息
即自思議立造權計今我諸子耽湏音伎
禍害垂至非戲樂時痛哉愚憤不覩酷苦
諸僮殷猥不識此難今吾心怖子樂逸蕩
安從精進免濟火燔即尋設計於舍之外
施張伎樂遊戲之具子所好慕吾皆辦之

調隱音節一時俱作諸子聞斯貪愛樂音
各各速疾盡力勸勵駈逐一切迸出災屋
得脫苦難集于一處安隱歡然無復恐懼
於是長者見諸子出心中寬泰意得自由
廣設衆具師子之座吾身今日則獲無爲
彼諸苦患已永盡除斯諸童子修精進力
迷在火宅而自放恣前者曾更無限眠寐
火熾然熾人遭此難陰蓋所覆心不開解
今日一切皆得解脫已致自然志之所願
父見諸子志在安隱於時諸子往詣長者
唯願天父各各賜我如前所許若干種乘
本居遇火迷冥不悟大人勅教一切奉承

當賜諸子三品之乘。今正是時，願垂給與。於時長者勅侍開藏，紫磨天金、明月珠寶，上妙珍異，世所希有，極好奇特、弘雅之車，最尊難及。莊校嚴飾，周帀欄楯，珠璣瓔珞，幢幡繒綵，而為光觀。金銀交露，覆蓋其上，焯華殖立，珍寶諸華，四面周帀，而皆下垂。車上重疊敷諸坐具，天繒白氎，而不可計。又復加施柔輿、裊褥，無量統縵，參席于車。計所校飾，車價億千，竒異珍寶，無量兆載。其象多力，鮮白如華，象身高大，儀體優馴。調駕寶車，以為大乘。於時長者嚴車已辦，各以賜與諸正士疇，皆是我子，一切等給。

是時諸子歡喜踊躍各各處處欣慶相娛
告舍利弗大仙如是為諸群生救護父母
一切衆庶皆是我子為三界欲所見纏縛
計惟三處如彼火宅勤苦患惱具足百千
此則所謂普然蕪餘生老病死憂哭之痛
佛為三界救度元導遊在閑居若坐林樹
則常應時將護三處彼見燒炙斯皆吾子
寤諸黎庶令得自歸由此意故示現于彼
一切黎元愚不受教坐著愛欲而自繫紕
善權方便為大良藥分別三乘以示衆生
適聞三界無量瑕穢則以隨時駁勸令出
其諸菩薩來依倚佛六通三達成大聖慧

或有得成爲緣覺乘逮不退轉致佛尊道
現在諸子因佛自由以是譬喻無有瞋恨
緣是得近於佛道乘受斯一切得爲最勝
於是恢闡平等之信降伏棄離一切世色
諸正覺慧殊異道德誓首歸命於兩足尊
根力脫門一心如是三昧之定億數千姪
諸佛之子常所宗重斯則名曰尊妙大乘
晝則誓願志存降魔夜恒專精欽慕不倦
於一年歲若歷劫數度脫衆生無數千姪
所喻寶乘則謂于斯以是遊至於佛道場
無數佛子以爲娛樂其有聽者安任弟子
告舍利弗卿當知是計有一乘則無有二

往至十方一切求索知人中上普行善權
稍稍誘進從微至大先現聲聞緣覺之證
適德三界欲捨之去然後便示菩薩大道
佛恩普潤譬如良田隨其所種各得其類
種者所植非地增減佛亦如是一切普等
常示大道取者增減佛則於彼諸仁者父
我常觀省衆庶苦惱無數億劫而見燒煮
三界之中恐懼之難佛為唱導使得滅度
諸賢無為今日乃知棄捐生死脫勤苦患
其有菩薩任於是者至誠之決取譬若斯
一切普聞佛之明日諸大道導師行權方便
所當勸助如諸菩薩瑕穢愛欲亦可惡厭

心闇塞者而見汙染是故導師為說勤苦
現四聖諦當分別此假使衆人不解衆惱
根著冥塵不肯捨離故為是等而示其路
因緣所習而致諸苦愛欲以斷常無所著
已得滅度於斯三品了無有異則得解脫
若修八路便得超度告舍利弗何所為度
受無所有則為解脫彼亦不為一切解脫
無所滅度便見導師佛何以故而說解脫
無所逮者乃成佛道當得如我為聖法王
以安隱義現出于世告舍利弗是吾法印
是佛最後微妙善說愍傷諸天及於世間
在所遊處常能獨行假使有人講說是與

若有勸助代歡喜者聞其妙法當奉持之
為悉供養過去諸佛奉持此法至不退轉
假使有人信樂斯經往古以見過去導師
亦悉奉順諸聖至尊加得逮聞如是典謨
皆復曾見吾之儀容又亦觀察我比丘眾
常觀覲視今現菩薩信斯典者德亦如是
一切皆瞻是諸菩薩其信此經則亦如是
頑駭闇夫不肯篤信若說此經謂得神通
諸聲聞黨非其所逮緣覺之乘亦不能了
今我所有諸聲聞眾舍利弗身堅固信之
仁輩如是信大法典現在悉盡不著因緣
假使不應斯經卷者則為謗訕佛天中天

閻冥輩類常志愛欲未曾解了無所生法
又其毀謗善權方便世間所有佛常明日
其間佛說講此罪福志不歡樂顏色為變
我今現在及滅度後若有誹謗如是典比
不使比丘書寫斯經佛說罪緣皆宜普聽
沒失人身墮無擇獄處於其中具足一劫
又無鞅數過是之限若罪竟已常在癡冥
假令得出於地獄中便當墮于禽獸畜生
為狗虫狐其形憔悴當入人宅或復見害
設有憎惡佛經典者其色變黑黧黹如墨
罪之所為顏常若漆身體羸瘦而無潤澤
為諸品類所見賤穢瓦石打擲啼哭淚出

其人常被搥捶榜笞飢渴虛乏軀形瘦燥
當墜去畜生駱駝驢騾常負重擔而得捶杖
心中懊惱厄求苦草謗佛斯經獲罪若此
雖得爲人身疽癰瘡狀貌矬陋肌色傷爛
假使行人縣邑聚落童子輕易戲弄扱蹋
其愚駘子若後壽終即當墮生邊夷狄處
當爲含血蠕動之類或爲韻症不得自在
假使誹謗此經獲罪常多疾病體生疽虫
無數之命啞食其軀心常憂瘵痛不離已
告舍利弗不信此經彼男子者無黠無明
所在慳貪性常囁晰生盲無目人所棄捐
人坐不信於佛大道口中常臭惡氣外薰

鬼神馱魅 詳觸燒之 普世俗人 無用言者
假使不樂 斯道地者 所在窮乏 常當貧匱
身未常得 著好被服 財業雖豐 不敢飲食
有所造作 當所爲者 假使欲求 安隱之具
設有所得 尋復忘失 興發惡行 果報如此
假使呼醫 合諸方藥 善知方便 而療治之
有不除差 反轉增劇 恒被疾病 不得所便
設復發意 興立餘事 則遭擾擾 鬪爭之業
又見毀辱 而被楚撻 彼犯律者 當遇此患
若有誹謗 斯經之罪 未曾得見 世雄導師
人中帝王 佛之法教 卒暴墜鬼 阿湏倫神
恒當羅殃 耳聾閉塞 愚癡駘聵 不得聞經

設有誹謗斯經典者然於後世永無所見
假使毀訾斯經罪果殃無數億百千之計
若干姦劫如江河沙常當瘖瘂口不能言
佛所立道常師子吼毀者地獄以為遊觀
勤苦惡趣用作居宅已所犯罪致殃如斯
又多疾患自速瘖瘂若在世間當獲此咎
坐在衆會兩舌欺言命欲盡時舉賈生息
其身恒遭若干苦痛無鞅數億百千衆患
顏貌常黑人所不喜殃暴疽癩常有臭氣
自見吾我顏色黧黹瞋恚懷毒怒害滋甚
情欲熾盛無有節限有所好忤若如畜生
告舍利弗今日世尊具足一切說其人罪

若有誑謗斯佛經者欲計殞限不可究竟
見是義已當觀察之今我故爲舍利弗說
不爲愚駘不解道者分別論講如斯像法
其有聰明廣博多聞秉志堅強常修億辯
若有勸發遵尚佛道尔乃聽受未曾有法
則已覩見億百千佛植無缺數如意功德
其人志性猛如月光尔乃聽受如是典籍
若有精進志常懷慈常於夙夜照曜悲哀
捐棄軀體不惜壽命尔乃聽受於斯經卷
常行恭敬無他想習其心專一不立愚願
恒處曠野若隱巖居彼等仁人尔乃聽受
結親善友常相恃怙棄捐遠離諸惡知識

常得逮見如是佛子乃能值遇若斯言教
不犯禁戒如寶明珠志習奉受方等諸經
當見如茲佛聖子孫常專精此一品經卷
設有罵詈毀辱經者恒以愍哀向于衆生
常志恭敬承安任教今故爲之說是經法
其在衆會誦斯經者心常如應得無合會
引無鞅數億載譬喻故爲是倫而見斯典
又佛今日講解道品所至到處踊躍而步
假使比丘欲求善說若見此經當欣頂受
其有奉持方等經者心常專精不樂餘業
執持一頌志不改易乃得聽受如是弘摸
假使有人慕求斯經當崇敬之如如來身

若人思僥欲學此法設令得者當秘且首受
 其人不當念索餘經亦未曾想世之群籍
 而行佛道志在根力悉捨離之講專斯經
 告舍利弗佛滿一劫舉喻億千分別解說
 設有願發上尊佛道當以斯經宣暢布散

正法華經卷第二

悼感上音盜怖惕上音盜削思約反夙音宿寢反音盜

亦錦反弊眦祭反削思約反夙音宿婉反音盜轉正上

作躔紆阮祠祀廟也媯又音遶無鞅

反順也詞似祭也廟也媯又音遶無鞅

恨下力引也誘音酉奕字軟紺赤暗也青也喆音靈悵也

狐疑多疑謂之狸也而巨然巨然也

通邁也莫拜反遠垣墻上音園一音垣九腐音壞父

嬉戲之上許往也詰屈一上起倡伎倚上音昌或作妓下其

也全塵蒲反澆水古堯反也校飭音上音或與去聲下

繒蓐上下上疾陵反作縹也毳毼上其俱反下力

統紵相紆阮茵下音延樂如爍上詩若履履也音正作

忽霍暫出也言冠幘前不冠者服之已明也音義

綺反鞋儲音除貯也缺缺用二同志操下反士貯

蓄也知呂反下黠開八反汲急音炙脯上火音隻

下音甫許六反也點利也矜哀上居陵反也

狠貌上二非下正字愠恨怒也帑蔽貯上音帛儻也

之舍棟棟下上都貢反屋極也軒闥達下反他

闔門屏之門也窓漏酉下音峻反雖閨墮徒反也

反落 覆 苦 上音副 蓋下 穉 田六反 積

虺 虺 上許 鬼 反 失廉 反 草也 最毒 正作 蝮 下 呼 各 反 一 中 反

毒 釋 蟲 行 函 竄 也 上 必 蒲 反 亂 反 止 作 通 呼 各 反 一 中 反

也 似 麂 善 登 木 而 食 今 或 作 鼬 余 也 逃 猶 狸 獸 音

神 反 鼠 類 也 下 力 之 反 野 狗 類 子 由 反 下 音

覺 痛 亦 食 名 甘 井 鳥 獸 而 不 反 啾 啞 上 吉 反 呵 反 下 音

資 七 反 多 聲 也 啣 匿 力 溷 廁 上 吉 反 困 反 正 作

下 居 嚙 吠 上 吊 反 正 作 屎 溢 夷 一 反 刺 棘 上 七

約 反 屍 骸 下 上 音 音 尸 刀 反 或 作 嗥 下 聲 咀 嚼 上 才 反

樹 音 義 窠 姑 和 穴 居 曰 窠 獸 所 息 曰 窟 苦 骨 齧 掣

上 側 加 萬 正 作 齧 齒 挽 也 齧 齧 上 在 誦 反 下

謂 咬 列 尺 設 二 反 牽 也 瑟 音 魁 魁 同 兩 音 孚 乳

薄 枯 不音戶 炙 燎 上音隻 下力 烽 焮 上音薄 紅

蓬 下蒲沒也 反 白也 奔 騫 走下音務 馳 蜈 蚣 吳二公字 音

由 延 字 音 蛭 蝨 蠅 音 衢 反 毒 蟲 也 舊 音 下 恐 公 作

經 意 盲 非 齟 齬 值 上 床 楚 反 此 用 合 齟 音 語 齒 不 相 作

也 麥 反 嚼 也 助 孚 務 疾 上 音 赴 館 音 舍 貫 作 咀 呂 反 相 作

也 贖 正 作 齧 也 噴 地 虺 鬼 下 許 反 酷 苦 篤 燒 炳 反 下 燒 也 雪

與 藝 歛 酒 正 下 含 反 下 彌 輦 反 也 殷 猥 反 上 於 樂

盛 也 下 烏 每 焯 畢 余 輒 反 光 自 殖 立 音 上 元 作 白

豔 布 下 音 牒 也 糸 席 上 七 含 反 車 賈 下 古 作 價 單

疇 直 留 也 反 古 作 絜 紕 上 涉 立 反 物 繫 也 下 音

恢 闡 上 正 今 反 儔 絜 紕 上 涉 立 反 物 繫 也 下 音

誘 訕 下 所 晏 反 盍 狐 作 音 野 音 義 云 諸 經 理 多 反 莫 音

也或蠱字與蠱字與狐字相連須作野音呼之或黠點

上烏感反下他感反 搯捶 上陟爪反下之榜

正作黠青黑色也 燥燥 乾二同相老反擊也 駱駝 二

音落 騾 郎和反 燠 煨 元音云二字 疽 癩

上七徐反癱音賴 肌 飢音輕 易 下余反 扱 蹋 反以季佳

下正作癩音賴 夷狄 也南蠻從垂北狄東北之極

從羊東夷從人 啞 子雜 瘡 於去 噉 晰 反下知

八反詳所田 匱 求位反 擾 勞也 撻 他達反 駮 聾

上語解上反愚 疥 患 一本作疾 舉 賈生

下吾惟反韻 一也 瘰 癧 上七徐反 癩 也

息 賈音價謂舉其價例 疽 癩 下音漏痔 一也

黎 黠 上正作薰下他 忤 音誤 恃 怙 上音市下

僥 也古堯反求 擾 馴 反上而沼反下似勻

